



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU BRČANSKE DEMOKRATSKE INICIJATIVE-ZA BOLJE BRČKO

Broj: 03-07-6-421/11  
Sarajevo, 12. decembar 2011. godine

## SADRŽAJ

MIŠLJENJE REVIZORA.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI.....	5

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Brčanske demokratske inicijative – Za bolje Brčko za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Na osnovu našeg pregleda, odnosno kontrole finansijskog izvještaja, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Brčanske demokratske inicijative – Za bolje Brčko za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Brčanska demokratska inicijativa – Za bolje Brčko nije iskazala prihode.

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	<b>Ukupni prihodi:</b>	<b>0,00</b>	

U godišnjem finansijskom izvještaju stranka je iskazala ukupne rashode u iznosu od 100,00 KM.

## 2. PREDSTAVLJANJE POLITIČKE STRANKE

Naziv političke stranke: Brčanska demokratska inicijativa - Za bolje Brčko. Skraćeni naziv stranke je BDI-Za bolje Brčko.

Brčanska demokratska inicijativa - Za bolje Brčko je registrovana dana 09.08.2007. godine, kod Osnovnog Suda Brčko Distrikta BiH pod brojem 096-0-Dps-07-000001.

Sjedište političke stranke je u Brčko Distriktu BiH, Bosne Srebrene 16.

Lice ovlašteno za zastupanje stranke je Sead Zahirović, predsjednik stranke.

Lice ovlašteno za podnošenje finansijskih izvještaja za 2010. godinu je Sead Zahirović.

Prema podacima iz godišnjeg finansijskog izvještaja za 2010. godinu, Brčanska demokratska inicijativa - Za bolje Brčko nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Brčanske demokratske inicijative - Za bolje Brčko za 2010. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Brčanske demokratske inicijative - Za bolje Brčko obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je u prethodnom periodu izvršila pregled godišnjeg finansijskog izvještaja Brčanske demokratske inicijative - Za bolje Brčko za 2008. godinu, nakon kojeg je izdat izvještaj o pregledu sa mišljenjem revizora, nalazima i preporukama.

Služba za reviziju je, takođe, izvršila pregled godišnjeg finansijskog izvještaja Brčanske demokratske inicijative - Za bolje Brčko za 2009. godinu, nakon kojeg je izdat izvještaj o pregledu sa mišljenjem revizora, nalazima i preporukama revizije. Prema mišljenju Službe za reviziju, Brčanska demokratska inicijativa - Za bolje Brčko postupala je u skladu sa odredbama Zakona o finansiranju političkih stranaka.

#### **5. NALAZI**

Brčanska demokratska inicijativa - Za bolje Brčko dostavila je finansijski izvještaj u skladu sa članom 11. stav (3) Zakona o finansiranju političkih stranaka i na obrascima propisanim Pravilnikom o godišnjim finansijskim izvještajima političkih stranaka.

#### **KOMENTAR:**

U ostavljenom roku, Brčanska demokratska inicijativa-Za bolje Brčko nije dostavila primjedbe na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2010. godinu.

Mr. Hasida Gušić, šef Službe za reviziju

Sanja Čabrilo, revizor